



Impactful Women Project



Sarah-Quita Offringa

- Professional windsurfer
- Named 3x as Deportista di Anja
- 17x World Champion
- Has a Bachelor in Science & Innovation
- Favorite place: Fishermen's Hut
- Nickname: Cabei busha



*"Traha duro pa lo cual bo kier y trata hende cu respet.
Korda cu semper tin algo cu bo por sinja di otro persona"*

1. Ken ta *Sarah-Quita* na banda di e mundo di windsurfing ?
Mi ta un persona hopi activo, casi tur ora mi ta wak e positivo den situacion nan.
Mi ta un persona « all or nothing » si mi kier logra algo mi ta bai pe full. Si mi no ta worry mucho mi no ta hasiele.. dus e ta bon y malo. Mi stima bon ambiente riba caya, pero mes un facil mi por keda cas mi so, lesa buki keto keto hahaha
Famia ta importante pami y ta bin na prome luga.
2. *Sarah-Quita* tin hobby cu ta hasi den *Sarah-Quita* su tempo liber/priva?
Mi gusta hopi deporte, dus ora mi no windsurf mi ta bay kitesurf, tennis, landa, skateboard etc. Mi gusta idioma hopi tambe dus depende unda mi ta, semper mi ta purba mehora mi frances, spaño of portugues.

3. Ki estudio Sarah-Quita a(ta) haci(haciendo)?
Mi a haal mi bachelor diploma na 2014.
Mi a studia 'science and innovation management' na Utrecht.
4. Con *Sarah-Quita* a cuminsa practica e deporte di windsurfing?
Mi a cuminsa windsurf ku 9 aña. Mi mayornan a pone mi practica tur deporte ku bo por imagina, djis pa wak kico nos ta gusta. Y na final ma keda haci tennis, landamento, y windsurfing hopi. Te ora ku mi a caba colegio, windsurfing a bira mi deporte principal.
5. Con *Sarah-Quita* ta balansa bida familiar y ta un deportista profesional ?
Te ainda esey ta un reto pa mi. Mas tanto paso mi ta biaha asina hopi pa mi deporte. Dus mi ta haya esey dificil ainda. Pero mi a sinja cu or ami haya chens, ta miho mi bin cas pa mi pasa tempo ku famia enbes di keda afo mucho largo. Maske ta 3 of 4 dia, semper mi ta sinti mas relaha ora mi sali biaha bek.
6. Cual ta tur e competencia nan cu *Sarah-Quita* a participa na dje ? I kico ta tur e titulo nan cu *Sarah-Quita* a logra conquista?
Mi ta competi riba e tour di Professional Windsurfing Association (PWA).
Dus tin diferente competencia den diferente disciplina durante aña.
Mi a cuminsa hasi full e tour na 2006. Na 2008 mi a gana mi prome titulo mundial den freestyle. Y awe mi tin 12 titulo mundial den freestyle, 4 den slalom y uno den ola. Esun di ola mi ta hopi contento ku ne, paso ta un disciplina ku ta dificil pa practica den Caribe.
7. *Sarah-Quita* tin otro reconocimiento/logronan na *Sarah-Quita* su number? I den kico esaki nan ta?
Mi ta kere cu mi a gana deportista di aña 3 biaha na Aruba, y mi a wordo condecora na 2013 na Hulanda.
8. *Sarah-Quita* ta involvi cu instancia nan caritativo?
Na e momento aki no, door ku e biahamento, competencia y management di esey ta tuma tur mi tempo/energia.
9. *Sarah-Quita* tin un mensahe pa e hende muhernan (hoben/young professional) di Aruba?
Semper traha duro pa loke bo kier, trata otro hende cu respet paso semper nos por siña algo di otro.

WOW Aruba

Women empOwering Women

wowarubainfo@gmail.com

<https://www.wowaruba.org/>